



40076

I


MOG. 10. 11.

P

*Teol. 3312.*

*Præcelsæ Joannes: Quæstio de Angelis.*







†.  
QVÆSTIO  
DE ANGELIS

Λ

M. IOANNE PRÆCZLAIDE

S. TH. Bacc. ad disputandum

in alma Acad: Cracouien. proposita.

BIBLIOTH. UNIV.



Præsidente.

JAGELLONICAE

A D M O R U M REVERENDO D.

MARTINO CAMPIO VADOVIO

S. Th. Doctore, publico Professore, eiusdemq;

Facult: DE CANO, ad S. Floriani PRÆPOSITO.

In Lectorio DD. Theologorum ipsis Cal. Febr.  
Anno Dñi M D XXj. Hora XIII.

CRACOVIAE.

In Officina hæredum Iacobi Sybencicheri.



1789A

# SANCTIS ANGELIS

## Præsidibus Regni

### honor perpetuus.

**C**elestes Proceres, quibus Præfecturæ provinciarum à summo totius Orbis Principe datæ sunt, fauete, & coniuete; si mortalis de immortalibus, si terrena labe infectus, de puris, ac beatis mentibus balbutire audeat. Omnis nostra vita; omnia nostra studia, in vestra sunt tutela: sit fas de vobis dicere, quorum præsidio tegimur, beneficio iuamur, solatio recreamur. Vos estis, qui nuper, nutu ac voluntate summi Moderatoris mundi, à sacro Capite, cuius salute publica salus continebatur, funestum ferrum reiecistis, qui Nationem laude fidei ac innocentie semper florentem, patricidij infamia, vnius scelere contaminari prohibuistis; qui Rempub. diuturnis calamitatibus afflictam, à periculosa perturbatione ac confusione liberaastis. Quamdiu nos isto vestro præsidio fore tutos sperare possumus? offenso nostris peccatis Deo, & iam fulmine, Regni robora tangente? Affulsit spes non dubia, à salutari ope, quam nunc tulistis, in hoc caput Regni seruatum esse; vt reliquum corpus saluum ac incolume sit. Confirmate hanc communem spem, vestra gratia, qua plurimum apud summum Imperatorem valetis, nobis suffragante; vt cæteris in pace perpetua viuentibus; nobis etiam hos ludos Apollinares celebrare liceat; Quos nunc benignis oculis aspiciate, & lumen intelligentiæ vestræ, ad nostras mentes porrigite, ac tendite.

*Spjst III.*

40026

*Ihr*

*076*



# QVÆSTIO DE ANGELIS

Ex I. p: Summæ Angelici Do-

ctoris quæst. 50. & sequ:

**V**trum natura Angelica, à corpore & ab omni mortali concretionē soluta, atq; secundum totam suam substantiam intelligens; in primo creationis suæ instanti, per gratiam simul cum naturâ inditam, meruerit: & post primum instans, pars perseverans in merito, præmium gloriæ acceperit: pars merito abrupto, peccatum in se admitteus, damnationem subierit, necne?

## CONCLUSIO I.

Natura Angelica est in rerum natura.

### COROLLARIA.

1. Angelos esse, veritas est fidei, nō demonstrationis.
2. Existētia Angelica principium habet, ac mensuratur 2uo.
3. Eodem momento cum mundo corporeo, vnius eiusdemq; Opificis operâ Angelos constituisse, ordo partium vniuersi persuadet.
4. In magno numero Angelos conditos esse, nō



uem ordines attestantur, ita vt materiales substantias incomparabili excessu superent.

5. Tantam verò multitudinem, diuersitas secundum speciem exornat, vt impossibile sit secundum multiplicationis modos nobis notos; Angelos, sub vna specie multiplicari.

## CONCLUSIO II.

Angeli à corpore, & ab omni concretionē mortali sunt liberi.

### COROLLARIA.

1. In Angelis non est materia, à qua ratio corporis sumitur, quæq; rationem partis substantialiter componentis subit.
2. Est tamen potentia permixtio, per quam à puro actu segregantur, cum aliud sit in eis essentia & esse, aliud subsistens & subsistentia.
3. Impossibile est Angelum vniri materiae aut corpori substantialiter, licet contingat vniri vt motorem.
4. Angeli à loco corporeo & motu physico absoluti sunt, dicuntur tamen in eo loco esse, cui virtutis contactu applicantur, & per diuersos contactus diuer.



diuerſorum locorum ſucceſſiuè, motus eis com-  
perit.

5. Angeli ſunt entia neceſſaria phyſicè, & ab intrin-  
ſeco immutabilia.

## CONCLVSIO III.

Angeli ſunt intelligentes ſecundum totam ſuam ſub-  
ſtantiam.

### COROLLARIA.

1. Intellectionem Angelicam ab eius ſubſtantia  
distingui ex natura rei, lumine naturali euident eſt.
2. Angelus ſemper eſt in actu intelligendi, ſed non  
omnia ſimul intelligit, ſecundū rationes proprias.
3. Subſtantia Angeli eſt ei ratio ac principium co-  
gnitionis ſui, atq; ex ea aſurgit ad cognitionem  
Dei, in reliquis naturis tam communibus quàm  
ſingularibus, tam corporeis quàm ſpiritualibus  
cognoscendis utitur ſpeciebus connatis vniuer-  
ſalibus.
4. Animi ſenſus intimi, voluntatisq; affectiones,  
ſunt extra latitudinem obiecti naturalis cogniti-  
onis Angelicæ, quemadmodum & myſteria gratiæ.



5. Potest tamen vnus Angelus arcanum cordis pate-  
facere alteri, per voluntariam ordinationem pro-  
prij conceptus ad intellectum ipsius.

## CONCLUSIO IV.

Omnes Angeli, in primo instanti creationis suæ græ-  
tiam acceperunt, & per eam meruerunt.

### COROLLARIA.

1. Angeli prius fuerunt in via seu statu merendi &  
demerendi, quàm in termino.
2. Angeli ad merendum beatitudinem supernatura-  
lem, indigebant supernaturali auxilio gratiæ.
3. Secundum gradus naturæ distributi sunt gradus  
gratiæ, non ex debito, aut ex dispositione à parte  
naturæ naturalisq; operationis, sed ex diuina vo-  
luntate ordinante naturam ad gratiam.
4. Ad suscepcionem gratiæ nihilominus disposue-  
runt se Angeli per actum supernaturalem liberi ar-  
bitrij.
5. In primo instanti mereri poterant, peccare non ite.

CON-



# CONCLUSIO V.

Post meritum in primo instanti à tota vniuersitate Angelorum inchoatum, pars perseuerans in merito, accepit præmium gloriæ, pars extincto merito per peccatum, excidit à beatitudine, & damnata est.

## COROLLARIA.

1. Nulli Angeli naturâ mali fuerunt, sed aliqui per inordinatum amorem sui, veluti bonum suum sibi ipsi essent, à Deo auersi sunt.
2. In peccato Angelorum non fuit appetitio diuinitatis, nec vnionis hypostaticæ.
3. Boni vnico instanti viam suam, reprobī duobus concluderunt.
4. Æqualis tamen duratio viæ vtrorumq; fuit, tamdiu bonis, in suo vnico bonæ operationis instanti perseuerantibus, quamdiu mali duobus instantibus viam suam terminarent, quorum altero meruerunt, altero lapsi sunt.
5. Angeli beati non possunt proficere in beatitudine, neq; peccare; nec miseri per pœnitentiam à peccatis & pœnis liberari.]



CONJUGAL VITIO

Postquam in primis hunc librum  
anonymum innotuit, et per  
co. 100. et 101. hunc librum  
et per co. 102. hunc librum

COROLLARIA

I. Nulli Angelus in mari  
innotuit, et per co. 103. hunc librum

BIBLIOTHECA UNIV.



JAGELLONICA

et per co. 104. hunc librum  
et per co. 105. hunc librum  
et per co. 106. hunc librum

et per co. 107. hunc librum  
et per co. 108. hunc librum  
et per co. 109. hunc librum

et per co. 110. hunc librum  
et per co. 111. hunc librum  
et per co. 112. hunc librum



Biblioteka Jagiellońska



stdr0016954



